



**Future-proofing
our children**

Sikolo sa la Sunda 3

Toho ya Tuto

Mulena Jesu u hasanya lika mwa Tempele

Buka ya Bashemi
Sikolo sa la Sunda sa mwa malapa



Balatiwa Bashemi

Mu amuhelwa kwa tuto ya “**Mulena Jesu u hasanya lika mwa Tempele**” ya sikolo sa banana sa la Sunda
3. Pampili ye, imi tusa hainyani ka mo, muswanel ku fela tuto ye:

Mo muswanela ku itukiseza ni fa tuto ye

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Sa kuezwa
1.	Mu kena fa likepe la Keleke ya ba Apositola ba Banca, ka ku sebelisa likepe le fa WhatsApp: https://bit.ly/3NACSSHS
2.	Mu be ni lisebeliso ze tatama kuli mu kone ku tukiseza kufa hande tuto: • Bibebe • Ma pampili a likisizwe kale a tuto ye. • Buka mwa sebeleza mwanana, lopitoloto ni lipendiso za banana, ni zeñwi cwalo. • Video ye lukisizwe, ye kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba bali mwa lotopa za Tiisezo) Mamela: 2.1: Nako yende yakufa tuto ki la Sunda ka kusanani, ka samulaho a sebelezo, sina banana ha ba fiwanga lituto ka nako yeo. 2.2. Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande. (Mu sike mwa bulela ze sa a mani tuto) ya mwanana – Mina ki mina mu ziba ahulu mwana mina ni ku fita. <i>Ka mulao, sikolo sa la Sunda hasi swaneli ku fitelela mizuzu ye mashumi a mane nito tu keta lizoho (45 minutes).</i> 2.3: Lituto li kau hanyizwe ka itopa (Sikolo sa la Sunda, Lituto ya Bibebe ni Tiisezo - SS1, RI1 or Confirmation). 2.4: Mulizeze kapa ku ikopanya ni muluti wa ba sikolo sa la Sunda ha mu tokwa tuso kwa lisebeliso ze bulezwi.
3.	Mu lapele (Mubone tapelo ye ñozwe, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela Yena.
4.	Mu eze sibaka sa tuto kuba se sinzi hande (ku sina lilata) foo mina ni mwanana mu bani ni buino bo buswana. Ka mutala: Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe video ya tuto kuli mube ni kutwisiso hande ya tuto.
6.	Mu iñolele tu ñusanyana twa butokwa to mubata ku hupula ha mufa tuto.



Mufe tuto ya Sikolo sa la Sunda mwa Malapa

Mo kuswanehela ku itukiseza ni fa tuto ye

Lu zwela pili ku mifa mikwa, yeo muswanela ku itukiseza ni ku fa tuto ye.

Muhato	Sa kueza
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha ku amana in Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze WhatsApp chat tuto ye ni mabasi amanwi a sikolo sa la sunda.
2. Mu ambole ni bashemi ba banwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zemwi ku amana ni tuto ye.
4. Muongaongi ni muluti wa sikolo sa la Sunda mwa kopano yamina ba teni kuli bami tuse.





Tuto

Toho ya Tuto	Mulena Jesu u hasanya lika mwa Tempele
Timana ya Bibe	Joani 2: 13 – 25
Mutomo/ butokwa bwa tuto	Jesu na iketezi ku buluka bu-Mulimu/ku kena mwa Tempele- Ndu ya Mulimu. Moya wa Mulimu u pila mwa lipilu za luna- se si eza lipulu za luna ku ba Tempele. Lu bata ku buluka ndu ya Mulimu mane cwalo ni lipilu za luna ku ba ze kenile.

Tuto ye kusufalizwe:

Jesu ni balutiwa ba hae ne ba ile kwa tempele ku yo lapela ku Mulimu.

Ne li nako ya mukiti wa Paseka mi temepele ne itezi batu. Ne kuna ni lilata le liñata. Balutiwa ba talimela Jesu ka ku hupula kuli u ka ba atabile ka ku bona batu ba bañata mwandu ya Mulimu. Kono Jesu na sa bonahali ku taba.

Kana mu ziba kuli ha na nyemile cwalo ki ñi? Libaka ki kuli batu be ne ba inzi mwa tempele ya Mulimu ne ba na ni muchomubi. Ne ba lika ku fumana/eza masheleñi kwa batu be ne batile kwa ku lapela Mulimu.

Cwale Jesu a wisaka litafule za batu ba ba cinca mali ni ku hasanya mali a bona. Hape a eza sime ka mihala, mi a ba lelekisa kaufela mwa tempele, hamohocwalo ni lingu ni likomu za bona. Ali, “Mu si ke mwa fetula Ndu ya Ndate musika/ sibaka sa ku eza mali a mañata!”

Batu ba buza: Jesu u hupula kuli ki yena mañi? Ki swanelo/tukelo mañi ya na ni yona ku eza cwana?

Jesu a ba bulelela kuli tempele ika yahululwa, mi yena u ta i yaha hape mwa mazazi a malalu feela”.

Batu ba seha, “Ne ku bangile lilimo ze mashumi a mane ka ze silezi ku yaha tempele. Ne ba sa utwisisi.

Kono tempele ya na bulela Jesu ne i li mubili wa hae kakuli Mulimu na pila mwa pilu ya hae, na swanela ku takiswa ni kuli na ka zuha ka sa mulaho wa mazazi a Malalu. Ki makazo ye cwañi.



Kanti tuto ye ilu luta sikamañi kacenu?

Tuto ye ilu luta sikamañi kacenu?

- Ndu ya Mulimu i swanela ku ba sibaka mo lu lapelela, ku kuteka ni ku lumbeka Mulimu. Ki sibaka se si kenile. Ha lu swaneli ku eza litekiso za lifasi mwa ndu ya Mulimu.
- Lu eza cwañi mwa ndu ya Mulimu? Kana ki kuli lu ibuluka ku ba ye kenile?
- Jesu na bapisa mubili wa hae kwa temepele. Libaka kikuli Mulimu na pila mwa pilu ya hae.
- Mulimu u pila mwa lipilu za luna. Se si talusa kuli mibili ya luna ni yona ki temepele ya Mulimu. Lu swanela ku lwanisa ni ku hana sifi ni sifi se si kona ku lu kauhanya ni Mulimu.
- Jesu ki muluti yo munde. Wa lu supeza mo lu swanela ku pilela ni ku ezeza ku Mulimu.

Lipuzo zemwi ze lukona ku buza:

- Kana wa utwisisa kuli Jesu ha na nyemile ni ku eza za ezize ki sika mañi?
Kalabo: Jesu na utwisisa kuli temepele ki sibaka sa ku lapela Mulimu. Ha si swaneli ku ba sibaka sa ku lekiseza. Si swanela ku ba se si kenile. Jesu na itukiselize ku lwana ku eza temepele kuba ye kenile. .
- Jesu na bulezo kuli u ka yaha sinca temepele mwa mazazi a malalu feela. Kono kitaba ye sa konahali ku ya ku yaha temepele mwa nako ye kuswani cwalo. U hupula kuli na talusa sika mañi?
Kalabo: Jesu na sa talusi muyaho wa Tempele. Na bapanya mubili wa hae kwa Tempele. Libaka ki kuli Tempele ki ndu ya Mulimu. Mulimu na pila mwa pilu ya hae. Jesu na yahile sinca temepele. Na kokotezwi/bulailwe ni ku zuha ka sa mulaho wa mazaziz a malalu.
- Lu ina ka mi inelo ye cwani/ lu eza cwañi mwa keleke?
Kalabo: Lu na ni ka ikuteka mwandu ya Mulimu. Lu buluka siba kuba se sikenile ka mikwa ya luna. Lwa tusa cwalo ni kwa ku kenisa ndu ya Mulimu. Likopelo za luna ki mukwa wa ku lapela ku Mulimu. Lu talimela kwa mitala ya Jesu. Ki muluti wa luna.



Tapelo ya bo Ndate ni Boma ye fiwa pili tuto isi ka tateka:

Mulimu ya lateha. Lwa itumela kwa lizazi la kachenu

Ulufoyole kaufela luna

Tusa kuli lukone ku lemuha ku bateni kwa Hao

Fuyola tuto ye lu taba ni yona

U lu hupulise kuli lu ku lapele mwa linako kaufela

U lutuse ku itumela nako kaufela mi lwa itumela kwa sepiso ya kuli

kozo ya hao ikaba ni luna

Luma Jesu ato lunga

Mi ulutuse kuba baba itukiselize ku mukatanyeza

Mwa libizo la Jesu lwa lapela

Amen

 Notes